



SLUŽBENE NOVINE BOSANSKO-PODRINJSKOG KANTONA GORAŽDE GORAŽDE

Godina XXVI–Broj 15

4. decembar/prosinac 2023.
GORAŽDE

Akontacija za IV kvartal 2023.godine
uključujući i pretplatu za “Službene
novine BPK-a Goražde” – 40 KM

1201

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00, 5/03 i 8/04), **d o n o s i m:**

U K A Z O PROGLAŠENJU ZAKONA O POLJOPRIVREDNOJ SAVJETODAVNOJ SLUŽBI BOSANSKO-PODRINJSKOG KANTONA GORAŽDE

Prolašava se Zakon o poljoprivrednoj savjetodavnoj službi Bosansko-podrinjskog kantona Goražde, koji je donijela Skupština Bosansko-podrinjskog kantona Goražde, na 9. redovnoj sjednici, održanoj 30. novembra 2023. godine.

Broj: 02-02-198/23
30. 11. 2023. godine
G o r a ž d e
.....

P R E M I J E R
Edin Ćulov, s.r.

1202

Na osnovu poglavlja IV, odjeljak A, člana 23. i člana 16. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00, 5/03 i 8/04) i člana 109. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18 i 6/19), Skupština Bosansko-podrinjskog kantona Goražde, na 9. redovnoj sjednici, održanoj 30. 11. 2023. godine, **d o n o s i:**

Z A K O N O POLJOPRIVREDNOJ SAVJETODAVNOJ SLUŽBI BOSANSKO-PODRINJSKOG KANTONA GORAŽDE

I - OPĆE ODREDBE

Član 1. (Predmet Zakona)

Ovim se Zakonom uređuje po-

ljoprivredna savjetodavna djelatnost, nadležnosti, vrste i finansiranje poljoprivredne savjetodavne službe, odnosi u oblasti pružanja savjetodavnih usluga, registry, te upravni i inspekcijski nadzor, kaznene odredbe kao i druga pitanja od značaja za poljoprivrednu savjetodavnu djelatnost u Bosansko-podrinjskom kantonu Goražde (u daljem tekstu: Kanton).

Član 2. **(Ciljevi Zakona)**

Ciljevi ovoga Zakona su:

- a) utvrđivanje okvira za institucionalne strukture, nadležnosti, odgovornosti, linije izvještavanja, mehanizmi koordinacije, procesi konsultacija, prava, obaveze i način provedbe mjera u svim općinama i Gradu Bosansko-podrinjskog kantona Goražde;
- b) regulisanje odnosa u oblasti pružanja savjetodavnih usluga od strane javne i privatne savjetodavne službe u Bosansko-podrinjskom kantonu Goražde, a u cilju povećanja poljoprivredne proizvodnje, stvaranja uvjeta za konkurentnu poljoprivredu i poboljšanja uvjeta života ruralnog stanovništva i razvoja ruralnog područja;
- c) utvrđivanje mehanizama za pristup poljoprivrednim znanjima, prenos znanja i vještina do poljoprivrednog proizvođača i zaštitu okoline.

Član 3. **(Osnovni pojmovi)**

(1) Poljoprivredna savjetodavna djela-

tnost (u daljem tekstu: savjetodavna djelatnost) je skup mjera koje se pružaju vršiocima poljoprivredne djelatnosti u cilju povećanja nivoa znanja i poboljšanja praktičnih vještina, a radi povećanja poljoprivredne proizvodnje;

- (2) **Javna savjetodavna služba** je služba koja pruža savjetodavne usluge na teritoriji Kantona i vrše je: Kantonalno ministarstvo za privredu (u daljem tekstu: Kantonalno ministarstvo), gradska i općinske službe nadležne za poslove poljoprivrede, koje ispunjavaju uvjete propisane ovim Zakonom;
- (3) **Poljoprivredni savjetodavac** (u daljem tekstu: savjetodavac) je fizičko lice koje obavlja savjetodavnu djelatnost na stručnom osnovu, posjeduje certifikat o položenom stručnom ispitu i upisano je u Registar poljoprivrednih savjetodavaca (u daljem tekstu: Registar savjetodavaca);
- (4) **Certifikat za poljoprivrednog savjetodavca** (u daljem tekstu: certifikat) je isprava kojom se dokazuje potrebni nivo stručne spreme za fizička lica koja vrše poslove savjetodavca i na osnovu kojeg se dozvoljava obavljanje savjetodavne djelatnosti, a stiče se nakon položenog stručnog ispita za savjetodavca;
- (5) **Dozvola za rad (licenca)** je isprava koju izdaje Federalno ministarstvo poljoprivrede, vodoprivrede i šumarstva privatnim savjetodavnim službama i na osnovu koje se vrši upis u Registar službi;
- (6) **Poljoprivrednik je fizičko lice** koje na poljoprivrednom gazdinstvu proizvodi biljne i stočarske proizvode te obavlja i druge poslove vezane uz tu proizvodnju, bez obzira na stepen

specijalizacije poljoprivrednog gazdinstva na kojem radi i koje posjeduje znanje i vještinu o poljoprivredi.

Član 4.
(Srednjoročna strategija pružanja savjetodavnih usluga)

- (1) Savjetodavna djelatnost u Kantonu provodi se prema Srednjoročnoj strategiji pružanja savjetodavnih usluga (u daljem tekstu: Strategija), koju usvaja Parlament Federacije Bosne i Hercegovine za period od sedam godina, srednjoročnom i godišnjem programu rada i drugim strateškim programima. Strategija sadrži kratkoročne i srednjoročne ciljeve, metode rada, mjere, vremenski slijed, nosioce i rokove ostvarenja tih ciljeva.

II - SAVJETODAVNA DJELATNOST

Član 5.
(Savjetodavna djelatnost)

U smislu ovoga Zakona, savjetodavna djelatnost obuhvata:

- a) pružanje stručnih savjeta i usluga, prenos praktičnih znanja i vještina za unapređenje poljoprivredne proizvodnje direktnim radom na terenu sa poljoprivrednicima, organizovanje seminara, savjetovanja, radionica, usmenim ili putem pisanih materijala i distribucijom istog kao i putem sredstava javnog informisanja,
- b) prenos znanja i novih tehnologija, povezivanje poljoprivrednika sa stručnim i naučno-istraživačkim institucijama,
- c) pružanje stručnih pomoći poljoprivrednicima prilikom apliciranja za sredstva novčanih podsticaja u poljoprivredi i ruralnom razvoju i stručno praćenje poljoprivrednika u realizaciji programa za koje su im odobrena sredstva,
- d) učestvovanje u izradi poslovnih planova, razvojnih i investicijskih programa za različite načine upravljanja poljoprivrednim gazdinstvom (konvencionalna, integrisana, organska proizvodnja), kao i za dopunske aktivnosti i ruralni razvoj - stručni projekti i slično,
- e) pomoć poljoprivrednicima kod vođenja poljoprivrednog knjigovodstva i evidencije poslovanja poljoprivrednih gazdinstava i izrada kalkulacija i proizvodnje,
- f) pružanje stručne pomoći u razvoju ruralnih područja i očuvanju tradicionalnih vrijednosti u tim područjima,
- g) pružanje seoskog – agroturizma i dodatnih aktivnosti poljoprivrednog gazdinstva,
- h) učestvovanje u implementaciji projektata i studija iz projekata i studija iz oblasti poljoprivrede i ruralnog razvoja finansiranih iz vladinih i nevladinih organizacija i ostalih subjekata,
- i) informisanje poljoprivrednika o programima novčanih podrški u poljoprivredi i ruralnom razvoju,
- j) pomoć u osnivanju i radu različitih oblika udruživanja poljoprivrednika,
- k) edukacija poljoprivrednika s ci-

- ljem očuvanja životne sredine,
- l) učestovanje u prikupljanju i drugih podataka iz oblasti poljoprivrede u Kantonu,
 - m) saradnja sa jednicima lokalne samouprave,
 - n) saradnja i povezivanje stručnih institucija u zemlji i inostranstvu i
 - o) pružanje pomoći u ostalim poslovima za koje poljoprivrednici iskazu interes.

Član 6. (Oblici savjetodavnih službi)

- (1) Savjetodavna djelatnost se obavlja putem javne savjetodavne službe i privatne savjetodavne službe.
- (2) Osnovna zadaća savjetodavnih službi je pružanje stručne pomoći poljoprivrednicima radi tehnološko-tehničkog unapređenja poljoprivrednih gazdinstava, povećanja poljoprivredne proizvodnje i dobiti od dodatnih djelatnosti na poljoprivrednim gazdinstvima, što obuhvata sljedeće metode:
 - a) individualni rad sa poljoprivrednicima i pravnim subjektima koji obavljaju poljoprivrednu djelatnost,
 - b) rad u grupama sa poljoprivrednim proizvođačima,
 - c) metoda masovnog rada.
- (3) Osobe iz stava 1) ovog člana ne mogu se baviti:
 - a) Reklamnim i promotivnim poslovima za sjemenske kuće, proizvođače mineralnih đubriva, mehanizacije i slično, osim u slučaju kada su one dio sajмова, izložbi

- demonstracijskih oglada uz prisutnost još najmanje jednog izlagača, koji izlaže sličan proizvod,
- b) Proizvodnim aktivnostima, osim kada se radi o oglednoj ili demonstracijskoj proizvodnji.

- (4) Poljoprivrednici mogu dobrovoljno učestvovati u sistemu savjetodavne službe.
- (5) Pristup savjetodavnoj službi imaju sve kategorije poljoprivrednika.
- (6) Vršioци savjetodavne djelatnosti dužni su da osiguraju tajnost ličnih ili pojedinačnih informacija ili podataka do kojih dođu u posjed pružajući savjetodavne usluge, uz izuzetak nepravilnosti i kršenja propisa, utvrđenih u upravljanju poljoprivrednim gazdinstvom, a posebno u slučaju činjenja kaznenih djela.
- (7) Savjetodavne službe u svom radu koriste metode savjetodavnog rada. Iste će biti uređene posebnim propisom o metodama savjetodavnog rada, koji donosi Federalni ministar poljoprivrede, vodoprivrede i šumarstva.

Član 7. (Organizacija poljoprivredne savjetodavne službe)

Savjetodavna djelatnost se obavlja kao javna poljoprivredna savjetodavna služba i privatna služba.

Član 8. (Kantonalna poljoprivredna savjetodavna služba)

- (1) Poslove javne poljoprivredne savjetodavne službe u Kantonu vrši Poljoprivredna savjetodavna služba, koja se formira unutar Ministarstva za

- privredu Bosansko-podrinjskog kantona Goražde (u daljem tekstu: PSS).
- (2) U vršenju poslova savjetodavne službe PSS se mora pridržavati propisanih metoda savjetodavnog rada iz članova 5. i 6. ovoga Zakona.
 - (3) PSS - Poljoprovredna savjetodavna služba je nadležna da:
 - a) sarađuje sa gradskim i općinskim službama nadležnim za poslove poljoprivrede, odnosno sa osobama nadležnim za obavljanje ove djelatnosti – licencirani savjetodavci,
 - b) predlaže i donosi godišnji plan i program rada PSS u Kantonu,
 - c) prati i koordinira rad gradske i općinskih službi nadležnih za poslove poljoprivredne savjetodavne djelatnosti, odnosno osoba ovlaštenih za obavljanje ove djelatnosti u realizaciji godišnjeg plana i programa,
 - d) sarađuje sa međunarodnim i domaćim organizacijama koje provode projekte iz oblasti poljoprivredne savjetodavne djelatnosti,
 - e) po potrebi obavlja i druge poslove vezane za rad javne – centralne savjetodavne djelatnosti,
 - f) obavlja savjetodavnu djelatnost na osnovu strategije, te godišnjeg plana i programa rada.
 - (4) Strategija sadrži kratkoročne, srednjoročne i dugoročne ciljeve, mjere, vremenski tok, nositelje i rokove ostvarenja utvrđenih ciljeva koji se donose na period od sedam godina.
 - (5) O realizovanju programa rada iz stava (2) ovog člana Kantonalna poljoprivredna savjetodavna služba kvartalno i godišnje izvještava Fede-

ralno ministarstvo poljoprivrede, vodoprivrede i šumarstva.

- (6) U vršenju poslova savjetodavne djelatnosti Kantonalna poljoprivredna savjetodavna služba mora se pridržavati propisanih metoda savjetodavnog rada iz člana 6. stava (2) ovoga Zakona.
- (7) Kantonalna poljoprivredna savjetodavna služba finansira se iz Budžeta Kantona i ličnih prihoda.

Član 9.
(Gradske i općinske
savjetodavne službe)

- (1) Poslove javne poljoprivredne savjetodavne službe u jedinicama lokalne samouprave vrše službe nadležne za poslove poljoprivrede ili ovlaštene osobe koje ispunjavaju uvjete iz člana 13. ovoga Zakona, gradska i općinske poljoprivredne savjetodavne službe koje se osnivaju u skladu sa Zakonom o principima lokalne samouprave.
- (2) U vršenju poslova savjetodavne službe, savjetodavci se moraju pridržavati odredbi iz članova 5. i 6. ovog Zakona.
- (3) Savjetodavci obavljaju svoje poslove na temelju Strategije, ovog Zakona, te godišnjeg programa i plana, koje priprema Kantonalna poljoprivredna savjetodavna služba u saradnji sa stručnim poljoprivrednim službama u jedinicama lokalne samouprave, a usvaja ih Vlada Bosansko-podrinjskog kantona Goražde.
- (4) Gradska i općinske savjetodavne službe se finansiraju iz budžeta grada i općine i ličnih prihoda.

Član 10.
(Načini i izvori finansiranja)

Javna poljoprivredna služba u Kantonu, gradska i općinske savjetodavne službe, pored budžetskih sredstava (kantonalni, gradski i općinski) mogu se finansirati i bespovratnim sredstvima (grantovi), sredstvima međunarodne tehničke pomoći, sredstvima međunarodnih programa i projekata, dobrotvornim donacijama fizičkih i pravnih lica, kao i ostalim izvorima finansiranja.

Član 11.
(Međusobna saradnja)

- (1) Savjetodavci su dužni da međusobno sarađuju, koordiniraju rad i razmjenjuju informacije sa Kantonalnom poljoprivrednom savjetodavnom službom.
- (2) O realizaciji plana i programa rada iz člana 9. stav (3) ovog Zakona savjetodavci jednom godišnje, a najkasnije do 31.12. tekuće godine za prethodnu godinu, dostavljaju izvještaj Vladi Bosansko-podrinjskog kantona Goražde.

Član 12 .
(Privatna savjetodavna služba)

- (1) Poslove savjetodavne djelatnosti iz člana 5. ovoga Zakona mogu vršiti i privatne savjetodavne službe koje se osnivaju u skladu sa Zakonom i finansiraju iz ličnih prihoda.
- (2) Privatne savjetodavne službe mogu se finansirati i bespovratnim sredstvima (grantovi), sredstvima međunarodne tehničke pomoći, sredstvima međunarodnih programa i projekata, dobrotvornim donacijama fi-

zičkih i pravnih lica, kao i ostalim izvorima finansiranja koji nisu zabranjeni Zakonom.

III - CERTIFIKAT

Član 13.
(Certifikat)

- (1) Za vršenje savjetodavne djelatnosti savjetodavci moraju posjedovati certifikat.
- (2) Certifikatom iz stava (1) ovoga člana se dokazuje da su lica koja vrše poslove savjetodavca u javnim i privatnim poljoprivrednim savjetodavnim službama prošla obuku propisanu članom 15. stav (1) ovog Zakona i uspješno položila stručni ispit za savjetodavce, na osnovu kojeg se dozvoljava obavljanje savjetodavne djelatnosti u savjetodavnim službama.

IV- UPIS U REGISTAR I OBUKA
SAVJETODAVACA

Član 14.
(Registar savjetodavaca)

- (1) (1) Savjetodavce koji ispune uvjete propisane Zakonom, a nakon dobivanja certifikata iz člana 15. ovoga Zakona, Federalno ministarstvo upisuje u Registar savjetodavaca, o čemu donosi rješenje.
- (2) Na osnovu rješenja iz stava (1) ovog člana certificirani savjetodavac stiče pravo da obavlja poslove savjetodavca u oblastima za koje posjeduje certifikat. U vršenju poslova savjetodavne djelatnosti dužan je da se pridržava propisanih metoda savjeto-

davnog rada iz člana 6. stav (2) ovog Zakona.

- (3) Lista odobrenih i brisanih savjetodavaca iz Registra savjetodavaca objavljuje se u „Službenim novinama F BiH” i „Službenim novinama Bosansko-podrinjskog kantona Goražde”.
- (4) Organizovanje i izvođenje obuke iz člana 15. stav (1) ovog Zakona, načina i uvjete polaganja stručnog ispita iz člana 13. stav (2) ovog Zakona, visinu naknade, obrazac sertifikata savjetodavca, uvjete koje moraju ispunjavati visokoškolske ustanove i/ili stručne upravne organizacije kojim se povjerava javno ovlaštenje za obavljanje poslova obuke, način provjere njihove ispunjenosti, provođenja stručnog ispita i izdavanja sertifikata za poljoprivrednog savjetodavca, te sadržaj i način vođenja Registra savjetodavaca, propisat će Federalni ministar poljoprivrede, vodoprivrede i šumarstva posebnim propisom.

Član 15. (Obuka savjetodavaca)

- (1) Fizička lica koja podnesu zahtjev za pohađanje obuke, polaganje stručnog ispita i dobijanje sertifikata za poljoprivrednog savjetodavca obavezna su proći teoretsku i praktičnu obuku u skladu sa Programom teoretske i praktične obuke za certificiranje poljoprivrednih savjetodavaca, koji donosi Federalni ministar poljoprivrede, vodoprivrede i šumarstva za period od 5 godina, nakon čega se stiče pravo polaganja stručnog ispita radi dobivanja sertifikata za poljoprivrednog savjetodavca.
- (2) Naknadu troškova obuke iz stava

(1) snose podnosioci zahtjeva, dok za službenike javnih savjetodavnih službi troškove snosi organ u kojem su ti službenici uposleni.

Član 16. (Organizacija i provođenje obuke)

- (1) Organizacija i provođenje Programa teoretske i praktične obuke za certificiranje poljoprivrednih savjetodavaca, polaganje stručnog ispita i izdavanje sertifikata, organizacija i provođenje Programa obavezne obuke poljoprivrednih savjetodavaca je u nadležnosti Federalnog ministarstva poljoprivrede, vodoprivrede i šumarstva.
- (2) Poslove iz stava (1) ovog člana Federalno ministarstvo poljoprivrede, vodoprivrede i šumarstva može povjeriti visokoškolskim ustanovama i/ili stručnim upravnim organizacijama u Federaciji registrovanim za obrazovanje u poljoprivredi, a u skladu sa Zakonom o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05).
- (3) Obuka se organizuje u vidu predavanja, obuke na daljinu putem interneta, praktične nastave, vježbi izrade poslovnih planova, izrade programa i projekata, vođenja poljoprivrednog knjigovodstva i sl., zavisno od oblasti za koju se savjetodavac specijalizuje.

V - UPRAVNI NADZOR

Član 17. (Upravni nadzor)

Kantonalno ministarstvo nadlež-

no za poslove poljoprivrede vrši upravni nadzor nad provođenjem ovog Zakona i propisa donesenih na osnovu Zakona.

Član 18.
(Inspekcijski nadzor nad primjenom Zakona)

- (1) Inspekcijski nadzor u provedbi Zakona vrši kantonalna poljoprivredna inspekcija organizovana u Kantonalnoj upravi za inspekcijske poslove.
- (2) Inspekcijski nadzor se vrši u skladu sa Zakonom o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), zakonima o inspekcijama kantona i Zakonu o inspekcijama Federacije BiH („Službene novine Federacije BiH“, broj: 73/14 i 19/17) - (u daljem tekstu: Zakon o inspekcijama).

Član 19.
(Ovlaštenje nadležnog inspektora)

- (1) U provedbi inspekcijskog nadzora nad primjenom Zakona i propisa donesenih na osnovu njega nadležni inspektor ovlašten je da:
 - a) nadzire provedbu i primjenu Zakona i propisa donesenih na osnovu Zakona,
 - b) vrši inspekcijski nadzor nad radom privatnih savjetodavnih službi i naređuje zabranu vršenja poslova savjetodavne djelatnosti pravnim licima koja nemaju dozvolu za rad (licencu) i koja nisu upisana u Registar službi, odnosno koja u radnom odnosu nemaju sertifikovane savjetodavce,
 - c) vrši inspekcijski nadzor nad rad-

om savjetodavaca u privatnim savjetodavnim službama i naređuje zabranu vršenja poslova savjetodavne djelatnosti fizičkim licima koja nemaju certifikat i nisu upisana u Registar savjetodavaca,

- d) kontroliše da li se namjenski koriste sredstva za provedbu aktivnosti iz godišnjeg programa rada javne savjetodavne službe,
 - e) nadzire i ostale poslove propisane Zakonom,
 - f) obavlja sve poslove i zadatke u nadležnosti Kantonalne poljoprivredne inspekcije ukoliko ova iz bilo kojeg razloga ne izvršava poslove i zadatke utvrđene Zakonom i propisima donesenim na osnovu njega.
- (2) Ukoliko utvrdi da je povrijeđen Zakon ili drugi propis donesen na osnovu njega, nadležni poljoprivredni inspektor ima pravo i obavezu da:
 - a) rješenjem naredi otklanjanje utvrđenih nedostataka, odnosno nepravilnosti u određenom roku,
 - b) podnese nadležnom organu zahtjev za pokretanje prekršajnog postupka,
 - c) preduzme i druge mjere, odnosno obavlja druge radnje za koje je ovlašten Zakonom o inspekcijama.
 - (3) U provedbi inspekcijskog nadzora nad primjenom ovog Zakona i propisa donesenih na osnovu njega kantonalni poljoprivredni inspektor je ovlašten da:
 - a) vrši inspekcijski nadzor nad radom upravnih organizacija – zavoda i agencija za pružanje struč-

- nih usluga u poljoprivredi vezano za poslove koji se odnose na savjetodavnu djelatnost,
- b) vrši inspekcijski nadzor nad radom savjetodavaca u kantonalnoj savjetodavnoj službi i naredi zabranu vršenja poslova licima koja nemaju certifikat i nisu upisana u Registar savjetodavaca.
- (4) Ukoliko utvrdi da je povrijeđen ovaj Zakon ili drugi propis donesen na osnovu njega, kantonalni poljoprivredni inspektor ima pravo i obavezu da:
- a) rješenjem naredi otklanjanje utvrđenih nedostataka, odnosno nepravilnosti u određenom roku,
- b) podnese nadležnom organu zahtjev za pokretanje prekršajnog postupka,
- c) preduzme i druge mjere, odnosno obavlja druge radnje za koje je posebnim propisima ovlašten.
- (5) Protiv rješenja kantonalnog poljoprivrednog inspektora iz stava (4) tačka a) ovog člana može da se uloži žalba nadležnom Kantonalnom ministarstvu u roku od osam dana od dana prijema rješenja.

VI - KAZNE NE ODREDBE

Član 20. (Kaznene odredbe)

- (1) Novčanom kaznom u iznosu od 800,00 KM do 5.000,00 KM bit će kažnjeno za prekršaj pravno lice koje vrši poslove javne savjetodavne službe ako:
- a) se u radu ne pridržava propisa-

- nih metoda savjetodavnog rada - član 6. stav (2),
- b) se bavi poslovima koji su zabranjeni ovim Zakonom - član 6. stav (3),
- c) nema u radnom odnosu certificirane savjetodavce - član (13),
- d) onemoguću provedbu nadzora poljoprivrednog inspektora na način i u rokovima određenim odredbama Zakona o inspekcijama.
- (2) Novčanom kaznom u iznosu od 50,00 KM do 3.000,00 KM bit će kažnjeno i odgovorno lice za prekršaj iz stava (1) ovoga člana.
- (3) Novčanom kaznom u iznosu od 100,00 KM do 1.500,00 KM za prekršaj bit će kažnjeno fizičko lice koje se neovlašteno bavi poslovima savjetodavne službe.

VII - PRELAZNE I ZAVRŠNE ODREDBE

Član 21. (Donošenje propisa)

- (1) Do donošenja propisa o certificiranju savjetodavaca i vršenju obuke iz članova 15. i 16. ovog Zakona, savjetodavnu djelatnost na teritoriji Bosansko-podrinjskog kantona Goražde vrše javne savjetodavne službe.
- (2) Do donošenja propisa iz stava (1) ovog člana, savjetodavnu djelatnost u uspostavljenoj kantonalnoj, gradskoj i općinskim poljoprivrednim savjetodavnim službama mogu obavljati postojeći službenici, koji su dužni u roku od dvije godine dana od stupanja na snagu ovog Zakona položiti stručni ispit i pribaviti certifikat.

- (3) Rad privatnih savjetodavnih službi regulisan je Federalnim Zakonom o poljoprivrednim savjetodavnim službama.
- (4) Za sve što nije regulisano ovim Zakonom, primjenjivat će se Federalni Zakon o poljoprivrednim savjetodavnim službama („Službene novine Federacije BiH “ broj: 66/13 i 25/22).

Član 22.

(Uspostavljanje javne savjetodavne službe i evidencije)

- (1) Kantonalno ministarstvo za privredu Bosansko-podrinjskog kantona Goražde obavezno je uspostaviti javnu savjetodavnu službu u roku od šest mjeseci od dana stupanja na snagu ovoga Zakona, a Grad i općine u skladu sa potrebama poljoprivrednika za savjetodavnim uslugama, uzimajući u obzir princip supsidijarnosti i sposobnosti lokalnih vlasti i njihove administracije, samostalno odlučuju o uspostavi savjetodavne službe.
- (2) Kantonalno ministarstvo za privredu uspostaviti će evidenciju javnih savjetodavnih službi u roku od dva mjeseca od dana donošenja ovog Zakona.

Član 23.

(Stupanje na snagu)

Ovaj Zakon stupa na snagu osmog dana od dana objave u „Službenim novinama Bosansko-podrinjskog kantona Goražde“.

Broj: 01-02-793/23 PREDSEDavajući
30. 11. 2023. godine SKUPŠTINE
G o r a ž d e Muradif Kanlić, s.r.
.....

1203

Na osnovu člana 109. i člana 111. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 3/18 i 6/19), člana 4. tačka 38. i stava (2) člana 59. Zakona o šumama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13, 5/13, 13/19, 14/19, 15/19, 09/21 i 8/22), Skupština Bosansko-podrinjskog kantona Goražde, na 9. redovnoj sjednici, održanoj 30. 11. 2023. godine **d o n o s i**:

O D L U K U

o utvrđivanju javnog interesa za izgradnju Sportsko-rekreativnog centra - streljište

Član 1.

Ovom se Odlukom utvrđuje javni interes za Bosansko-podrinjski kanton Goražde u cilju izgradnju Sportsko-rekreativnog centra – streljište na šumskom zemljištu u privatnom vlasništvu na djelu katastarske parcele označene kao k.č. 184 zvana Smreke, K.O. Goražde II u površini od 4000 m².

Član 2.

Na osnovu ove Odluke i zahtjeva za promjenu namjene šumskog zemljišta, Ministarstvo za privredu Bosansko-podrinjskog kantona Goražde će pokrenuti postupak izdavanja dozvole za krčenja šuma u skladu sa članom 59. Zakona o šumama Bosansko-podrinjskog kantona Goražde.

Član 3.

Ova Odluka stupa na snagu dan-